


Fasnacht 2026

Fasnachtsgesellschaft Giftschnaigge
Jungi Garde
www.jungi-giftschnaigge.ch



Sujet:

Du bruchsch mi! Du willsch mi! KAUF MI!

Syt ich doo bi, schynt d Sunne biz heller
d Wält isch biz schöner
und du so viel erfolgrycher

Dir fliege d Härze zue, syt du mi hesch
Du bisch schlauer, bisch schöner, bisch die Besch
Mit mir kasch au besser drummler oder pfyffe, das versprich
Sage mer's, wie's isch: Du bruchsch mi!

Ich gib jedem Pierrot e schöns Smile
Dr Look vo jedem Blätzlibajass isch mit mir megageil
Jedi alti Dante hett mir mir so viel Style

Wenn du mi drbi hesch, bekunnsch 100 Mimösli – s isch kei Spass
Alli sin si bländet vo minere Coolness und finde di voll krass.
S Comité zieht dr Huet, d Frau Fasnacht verneigt sich
Alli wänn si so beliebt sy wie ich.

Und simmer doch ehrlich: Si hän Rächt!

Ich bi wunderschön,
mit mine Haseohre und mim Grinse, so fräch
Ich bi überraschend,
mi git's nur uf Zuefall, nit uf Wunsch
nie weisch du genau, welli vo mir du bekunnsch
Ich bi wärtvoll,
Tuusigi vo Franke wärde für mi ghandlet
Ich ha scho so vieli Läbe verwandelt
Ich häng an dr Tasche vo jedem Promi
Gibs doch zue: Du willsch mi!

Wottsch e bessere Mensch sy,
so bruchsch du mi
Wottsch zu de Coole ghöre, muesch go e Labubu shoppe
Ich bring euch dr Wältfriede und ka au dr Klimawandel stoppe
All die Diktatore mache wieder Platz für d Demokratie
Mit allne schlimme Granggete isch es jetzt verbi

Nur öppis muesch du und zwar gly:
KAUF MI!

Kauf mi, wennd willsch glücklich sy!
Du bisch nämmlig gar nüt ohni mi!
Willsch wirklich, dass Kinder mien stärke, well du mi nit kaufsch?
D Wält goht dr Bach ab, wenn du an mir eifach verbilauftsch!
Niemert hett di denn no gärn, ligg doch grad zu de Ratte
uf die nass Ärde!
Wie söll so je öppis us dir wärde?
Nur mit mir schynt d Sunne wytter!
Nur mit mir isch d Fasnacht nit schytter!

Äh – Momänt emol.
Ich ha e liisliche Verdacht,
villicht isch dä au falsch,
dass kaufe gar nit alles besser macht,
dass du di nur dumm und dümmter zahlst.
Ich due mis Labubu statt ans Goschdüm lieber an Nagel hängge,
denn stand ich yy und due mir vo däm ganze Saich e Uszyt schängge.

D Ladärnenusstellung uff em Minschterplatz und d'Waage- und Reggwisye-
Uusstellung bi dr Kasäärne sin vom Määntig znacht bis am Mittwoch demoorge!